

Илимкан аьгъю апинай, думу шадвалин сабли ачар ву

ДАГЪУСТАНДИН ОГНИ ШАГЪРИН ИМАМ МУГЪЯММАД-РАМАЗАН РАЖАБОВДИХЪДИ ВУЙИ ИЧ ИНТЕРВЬЮ

Ассаламу алейкум, гъюрматлу ватанагълийир! Пайгъамбарин ﷺ гъядисдиъ дупна: «Аьлимар пайгъамбарин ирс агълар ву», - кIури. Ав, дугъриданна гъийин йигъан ихъ аьлимари дин тарабгъбан бадали гизаф ляхнар кIулиз адагъура. Дурари Аллагъу Тааьлайи, Пайгъамбари ﷺ гъапиб гъийин йигъан ихъ халкъарин арайиъ ктибтури, халкъдин илмин дережа за аплуз гизаф зегъмет зигура. Гъит Аллагъу Тааьлайи дурариз чпи Аллагъ ﷻ бадали аплурайи ляхниъ тавфикъвал туври! Амин! Улихънаси узу Дагъустандин Огни шагърин имам Мугъяммад-Рамазан Ражабовдихъди гюрюшмиш гъахъунза, ва ич арайиъ гъабхъу сюгъбат ичв фикриз туврача.

– Мугъяммад-Рамазан гъяжи, сабши нубатнаъ ихъ газат убхурайи ватанагълийир увухъди таниш апиидихъа. – Узу 1979-пи йисан Табасаран райондин Пилигъ гъулаъ бабкан гъахъунза. Школаий имидитIанмина узу гъуднар аплури, ушвар дисури шуйза. 5-6-пи классарий урхурайиган, Къур'ан аьгъю аплуз хъюгъюнза. Йиз сабши мялим ЦанитIил гъулан агъали Мирзабег халу вуйиз. Аллагъ ﷻ рази ишри дугъкан. Школа ккудубкIалан къяляхъ, 1997-пи йисан Мягъячгъала шагъриъ медресейиз урхуз гъушунза. Душваъ 2 йисан гурхунза. 2 йисансана Кизилпорт шагъриъ гурхунза. Кизилпортдиан учу Мягъячгъала шагъриъ айи Кафари Кавказдин Исламдин институтиз (СКИУ-йиз) урхуб давам аплуз гъаунчу. Думу университет ккудубкIалан къяляхъ аспирантурара ккудубкIунза. Учуз дарсар туву мялимарикан кIуруш, ич куратор рягъматлу Къурамугъяммад-гъяжи Рамазанов вуйи. Гъацира жара аьлимарира дарсар тувунчуз: Камалуддин-гъяжи, Мугъяммад-расул гъяжи, Магъди-гъяжи Мутаилов, ихъ муфтий Аьгъмад-гъяжи ва дугъан заместитель Гъябиб-гъяжи, Пагъа ва Мугъяммад-Гъянафи вуйи. Мурар ужуб



илим айи, адлу аьлимар ву. Дурариз узуз илим тувбаз ахю вуйи чухсагъул къайд аплураза. Гъацира узу имамди дугъужвалан къяляхъ илмарин дережа за аплуз Сирийин Дамаск шагъриз «Абу нур» университетдиз урхуз гъаунзу. – Мугъяммад-Рамазан гъяжи, гъамус ихъ газат урхурайидариз яркъуди уву фила имамди дугъужвнуш ва фициб ляхин гъабхураш хабар тувдихъа. – 2007-пи йисан сабши сентябри узу Огни шагърин имамди дерккну. Гъадму йигъланмина имамвалин вазифа гъабхураза. Ляхникан кIуруш, гъарсаб ляхнихъна жавабдарвалиинди дилигну ккунду, эгер жавабдарвал гъабхъиш, гизаф ляхнар рягъят шулу. Ав, читинвалар адарди шулдар. Ухъхъан му дюн'яийиъ имтигъан гъадабгъура, ва ухъу думу имтигъан лайикъ вуйиганси тувну ккунду, гъаци вуйиган гъарган рягъятди даршул, читинвалар алахъру вахтарра шулу. Аллагъу Тааьлайиз варитIан ккунидарра читинваларий шули гъахъну, гъаму дюшошди ухъуз сикинвал тувну ккунду. Думу читинвалар Аллагъу

Тааьлайихъан вуйи аьзаб дар, гъятта диди Аллагъу Тааьлайи ухъу кIваълан гъаьндруваликан хабар тувра, гъадму читинвалариинди Аллагъди ﷻ ихъ гунгъарин аьфв аплуру, яни ухъу дурар аьзабси ваъ, хъа нийматарси, Аллагъу Тааьлайихъан вуйи рягъматси фикир дапIну ккунду. Эгер жямъадикан кIуруш, гъямд ибшри Аллагъдиз ﷻ ужуб жямъаът ву. Дурар йиз гъаври а, узу дураринра гъаври аза. Узуз кюмек герек вуйи йишварий кюмекра аплуру, ва узура дурариз узхъан шлу кюмек аплури шулза. Гъацира мушваъ илим тIалаб аплуз ккунидариз мумкинвалар а, гъямд ибшри Аллагъдиз ﷻ. Ав, урхуз гъюрударра а, асас вуди жигъилар, гъит Аллагъу Тааьлайи дурариз илму, аьмал туври. Дурар чпиз алахъру читинвалариз дилигди урхуз гъюру, саспидар гъачIининган гъюру, саспидарсана хябхъган, яни вахт хъубси илим тIалаб аплуз гъюру. – Узуз рякбъюразузки мушваъ ужуб ахю медресе ачмиш дапIначва. Медресейин къайда - гъял фициб ву? – Мушваъ медресе ачмиш аплуб

Нумрайиъ:



Гъачай фарзарикан аьгъю аплухъа



Аьлим кас му дюн'яийин Аллагъу Тааьлайин вакил ву



Дишагълийирин гъякъар Исламди уьрхюра

Аллагъу Тааьла ва халкъар рази ктау ксар

АДЛУ АЬЛИМАРИН УЬМРИКАН ЖИКЪИДИ

Аллагъу Тааьлайи дупна: «Узу учву яратмиш гъапIунза ва вари Узу халкъ гъапIубдиъ Йиз сарвализ далил а. Мугъяммад ﷺ Йиз лукI ва Узу гъаьнайир ву. Фуж рази дарш Узу учвуз тувнайи къадарниин, Йиз имтигъан къабул аплурдарш, Йиз рягъматариз гъямд аплурдарш, ва Узу тувубдинн рази дарш, дугъу жара аллагъдиз ибадатвал аплри, эгер думу Узуз, вари гъадму ляхнариъ барабар вуш. Фуж илимдихъди гъягъюраш, дугъаз Аллагъу Тааьлайи тувра гъацдар аьгъювалар, дугъаз зат-

къан аьгъдрудар» (Ал-Гъазали).

Аллагъу Тааьлайи тувнайибдинн рази вуйидар ва фу-вушра лапра разиди къабул аплурдар, Дугъан рягъматдиз ва чпиз туву къадариз, уьмрин дакъатариз, Дюн'яийин девлетназ гъямд аплурдар, аьхирин йигъ гъарган кIваин алидар, ужублан аьмалар артухъ аплурдар, чпи гъадабгъу илимдихъди гъягърудар, ва йигъ-йишв ибадатвалиъ айидарикан ву пуз шулу аьлимар Малла Къара Гъяжи эфенди ал-Жвулли, аз-Зилли, ал-АхъитIи ва Малла Навруз Аьли

эфенди ал-Жвулли, аз-Зилли, ал-АхъитIи. Жвулли гъулаъ улихъ заманайи Гъяжи Ражабдиз Мугъяммад кIуру велед шулу, хъа дугъаз – Гъажимъгъяммад, хъа дугъазсана Ражаб Аьли кIурур, дурар вари илимлу ва Аллагъу Тааьлайиз багахълу ксар вуди гъахъну. Ражаб Аьли ахю аьлим хъпаз гюре вуди, АхъIарин гъюкумдар беглер Бейбалайи дугъаз чпин гъулаъ имамвал аплуз теклиф аплуру. Душваъ дугъаз ургур велед гъахъну: Гъяжи (Къара), Навруз Аьли, Гъажимурад, Ражаб, Аьгъмад, Юллер ва Мягъмуд.

Огни шагъриъ Пайгъамбар ﷺ бабкан гъахъи ваз къайд гъапну!

26-пи январь Дагъустандин Огни шагърин кјулин мистаъ Пайгъамбар ﷺ бабкан хъпан ваз къайд апјури мажлис кјулиъ гъубшну. Думу мажлисдиъ Огни шагърин имамар, ва гъацира багахъ гъуларин, шагърарин имамар иштирак гъахъну. Мажлис кјули гъабхурайир Огни шагърин мягъалин мистан имам Арсланаъли вуйи. Дугъу чан улхбаъ мицдар мажлисарин фазилатваликан ктибтну. Мажлис ачмиш апјури Огни шагърин имам Мугъяммадрамазан гъажийи гъапну: «Гъюрматлу жямаътар, дуфнайи хялар учвуз варидариз му мажлисдиъ гъюбан ахъю чухсагъул къайд апјураза. Узу вари кивантлан му гирами ваз улубкъбахъди тебрик апјураза. Гъит Аллагъу Таалайи, гъаму мажлисдин берекет ухъуз гъарсариз рубкъри».

Огни Шагърин имамдин заместитель Рашид Алимуратовди чан улхуб гизаф ражари ухъу горюшмиш шлу гунгъарикан гъапнийи, хас вуди кучал аплбакан. «Гъийин йигъан инсан ляхниъ ашра, кючейиъ ашра, яни наан ашра ухъуз кучал, футна ебхъури шулхъуз. Дурар мусурман касдиъ хас дару



лишнар ву ва дурарихъан жвув марцц аплуз чалишмиш духъну ккунду», - гъапну Рашид гъажийи. Огни шагърин медресейин мялим Амир Мевлютовди уч духънайидариз яркъуди Пайгъамбарин ﷺ уъмрикан ктибтну. «Пайгъамбар ﷺ ухъухъна Аллагъди ﷻ рязмат вуди гъаъна. Гъарсар лукру чаз чан саййидди

туву ниъматариз шукур аплуб лазим ву. Ва гъадугъан уъмрикан ктибтуб ва дугъан тяриф хъаплуб Аллагъу Тааъла заан аплуб ву. Гирами Къур'андиъ дупна (мяна): «Увуз туву ниъматарикан круруш, дидкан хабар тув», - къайд гъапну Амир Мевлютовди. Огни шагърин имамдин заместитель Абдулмалик гъажийи мусурман касди чан веледариз фицдар ччвурар тувну ккундуш ва веледиз мусурман ччвурар тувуб абйир-бабарин веледарихъна вуйи гъакъарикан вуйиваликан хабар тувну. «Ассалам» газатдин редактор Ансар Рамазановди чан ва редакцияйин терефнаан вари жямаътар ва дуфнайи хялар кивантлан улубкънайи гирами вазлихъди тебрик гъапну, ва гъацира жикъиди «Ассалам» газатдикан ктибтну. Улхбарин арайиъ адлу мавлидар, нашидар урхру Мугъяммад-шафи Аъшуровди ва Огни шагърин медресейин студент Селимди чпин успагъи сесеринди мавлидар гъурхну.

Ансар Рамазанов

Пайгъамбар ﷺ киванн аплбан мажлисар



20-пи январь Табасаран райондин Гъарихъ ва Кюрюгъ гъуларий Пайгъамбар ﷺ гъахъи ваз гирами апјури мистарий ахъю мавлид-мажлисар гъахъну. Душваз жямаътариз насигъят ва ужуб гаф пуз Огни шагърин имам ва дугъан заместителар Рашид Алимуратов ва Абдулмалик Мягъямедбеков, Огни шагърин кюби мягъал мистарин имамар Гъажийи

ва Арсланаъли, Огни шагърин медресейин мялим Амир Мевлютов, Табасаран райондин «Ассалам» газатдин вакил Назир Нуров ва гъ.ж хялар дуфнайи. Дурари инсанариз гизафси уъмриъ алахъру гъяларикан ктибтнийи. Ва сабпи нубатна Мугъяммадрамазан гъажийи Аллагъ ﷻ фуж-вуш ва дугъан багахъ ихъ къайда фициб-вуш ктибтнийи: «Аллагъ ﷻ агъю аплуб ихъ лап ижми фарзарикан ву, ва дугъан сифатар агъю дапну гъадгъаз гъуллугъ аплуб ихъ динди ухъуз улупнайи асуларикан ву. Инсандин киваъ игъсан адарш, думу касдиъ гунгъар аплуз рязгъятди шулу. Аллагъу Тааъла вари рязкърур ва ебхъурр вуйибдикан агъяди вушра, эгер игъсан адарш, му агъювалин мянфяаът ижмиб шулдар...».

Огни шагърин имамдин заместитель Рашид Алимуратовди гъапну: «Гунгъар аплуб думу жвуван юкъв мижарихъди кабцбаз ухшар ву, фукъан гизаф мижар кади гъахъиш, гъадмукъан думу гъялал ва гъярам жара аплуз даршули шулу, ухъу думу лап багъайин мутму фици тлафларихъан уьбхюруш, ари гъадмутан ижмиди гунгъарихъан жвуван юкъв дюбхну ккунду».

Абдулмалик гъажийи мусурман касди Пайгъамбарин ﷺ уъмрин рязкъ агъю дапну ккунду гъапну. «Пайгъамбарин ﷺ уъмрин рязкъ агъю аплуб ихъ лазим вуйи ляхнарикан ву», - къайд гъапну дугъу. «Ассалам» газатдин вакил Назир Нуровди илим



тлалаб аплуб фарз ву дупну, дидин фазилатваларикан ктибтнийи. Медресейин мялим Амир Мевлютовди гъапну: «Пайгъамбар ﷺ ккун аплуб имандикан ву, ва думу ккунишин арайиз хуруб, дугъан дережейикан агъю аплуб ва дугъан рязкъюхъди гъягъюб ву».

Амир Мевлютов

Гамбияйин президент Яя Жаммейи жвуми йигъ дилихнуб гъапну

Гамбияйиъ гъяфтайин лихру 5 йигъ 4 йигъазкъан жикъи гъапну, мусурманрихъан жвуми йигъан чпин гъудгнар аплуз хъуз ва жвуван бистнариъ ляхин аплуз хъуз кјури, хабар тувра ИТАР-ТАССди. «Думу йигъан му бици гъюкуматдин инсанарихъан чпин жвумийин гъудган аплуз, бистнариъ ляхнар аплуз мумкинвал хъибди. Ичв жиларихъна хъадакай ва учву иппруб убзай, халкъ сагъ хъпан бадали», - гъапну президентдин администрацияйи.

Хъа жвуми йигъан ккудубшуб ккапбан бадали школийр, банкар ва жара организациярихъан султ йигъан лихуз шулу. Думу адабгъу къанундин душваъ дуламиш шулайидарин имбу гизаф ляхнариъ кюмек тувди, инша-Аллагъ. Гъит Аллагъу Тааълайи ихъ халкъдиз чпин сагъвализ лигуз амур апри ва гъит ихъ халкъ сагъуб ибшири. Халкъ сагъ гъабхъиш, вари ужу хъибди, иншаАллагъ.

Islam.ru

Мягъячгъала шагърин кјулин мистаъ ахъю мавлид гъабхъну

Пайгъамбар ﷺ бабкан гъахъи йигъ къайд апјури Мягъячгъала шагърин кјулин мистаъ ахъю мавлид кјулиъ гъубшну. Думу мавлиддиъ Дагъустандин адлу алимар иштирак гъахъну. Мягъячгъала шагърин имам Мугъяммадрасул гъажийи уч духънайидар вари гирами йигъахъди кивантлан тебрик гъапну. Душваъ гъацира Египетдин вуйи илмарин доктор Зайнуль Аъбидин гъулхну. Дугъу жикъиди Пайгъамбарин ﷺ уъмрикан ктибтну ва гъацира уч духънайидарикан жвуван

хпириъ, веледариз Пайгъамбарин ﷺ уъмрикан, Дугъахъна ккунишкан ктибтуб ккун гъапну. Гъацира душваъ аъраб гъюкуматарин адлу алимар улхури видеороликару улупну. Дубайиан вуйи шариаътдин илмарин доктор Уъсан бин Уъмари мавлид урхуз хай шулуализ айи далиларикан гъулхнийи. Гъит Аллагъу Тааълайи ихъ Пайгъамбарихъна ﷺ вуйи ккунишин артухъ апри! Амин!


islamdag.ru

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ</p>	<p>Заместитель муфтия РД Махди-хаджи МУТАИЛОВ</p> <p>Главный редактор Заурбек (Абдулла) ЯИКБАЕВ</p> <p>Редактор Ансар РАМАЗАНОВ</p> <p>Канонический редактор Мухаммад-Рамазан РАДЖАБОВ</p> <p>Корректор Шарафудин ДАШДЕМИРОВ</p>	<p>Дизайн, вёрстка Мухаммад МУСАЕВ Иса ОМАРОВ</p> <p>Менеджер Мухаммад ХИРЯСУЛАЕВ Абдулсабир АХМЕДОВ Руслан ШАХМАРДАНОВ</p> <p>При перепечатке ссылка обязательна. Набрано и сверстано на компьютерной базе газеты «Ас-Салам». Газета зарегистрирована Федеральной</p>	<p>службой по надзору в сфере связи, информационных технологий и массовых коммуникаций. Свидетельство о регистрации ПИ № ФС 77-42079 от 24 сентября 2010 г. Отпечатано в ООО «Дом печати» по адресу: пр-т Акушинского, 20. Заказ № _____</p> <p>Тираж 2.900 экз. Сдано в печать 31 января 2013 г. в 20:00</p>	<p>Адрес редакции 367015, РД, г. Махачкала, ул. Аскерханова 13а.</p> <p>Телефоны: Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.</p> <p>E-mail: info@assalam.ru; www.assalam.ru</p>
--	---	--	--	--

Аллагьу Тааьла ва халкьар рази ктау ксар

1 « Къара-Гъяжи машнаан циб кIарур вуди гъахъну, гъаци вуйиган дугъахъ Къара кIуру лакIам хъибтIну, хъа Навруз Аьли машнаан лизир вуйи. Дурар къюбридра гизаф фагъумлу ва зирек бицидар гъахъну. Адаши чан хликк саб къадар илимдин агъюваларихъди чан веледер тямин апIбан къяляхъ, дугъу чан зирек баяр Аллагьу Тааьлайин амриинди хъана заан дережайин илимдин агъюваларихъди тямин апIуз ният апIуру. Сифте дурар Закалата мягъализ гъягъюру, душваъ дурари ургуд йисан тямимвал апIуру. Гъадушваъ урхурайиган дурарихъди хъади гъахъну Къурагъ мягъялиан тямим ва дурари дугъахъди ижми дуствалар апIуру. Дурарин даима чпин ахирин вахтнакъан агъюб-гъюб ва ужуб гъюрмат, шариатдин агъдру меселйир гъял апIбар ади шулу. Чпин илмарин агъюваларин хазна фукъан аькъиди вуш агъю апIбан бадали, дурар урхуб ккудубкIну хътакурайидар Алкъадар гъулаз гъюру, думу гъул гъаму вахтна СтIал Сулейман райондиз дахил шула. Дурари илмарин агъюваларин къадар тасдикъ апIбан бадали Мирза Гъясан-эфенди Алкъадариз имтигъан тувру ва шерик кагъазра гъадабгъуру. Дидин къяляхъ дурар Табасарандин Халагъ, Гуми, Кюрягъ, Хянягъ, Хюрикк ва жара гъуларин аьлимарихъна илмарин зияратдиз гъягъюру, яни чпин агъювалар хъана заан дережайиз давам апIбан бадали. Дидин къяляхъ дурар хъанара заан агъювалар гъадагъуз Къазанишайин Абусупиян аьлимдихъна ва Темир-Хан-Шураин медресейиз гъягъюру. Душваъ дурари заан хъуркъивалариинди медресе ккудубкIуру ва шейх Сейфулла – Къади Башларовди тасдикъ дапIнайи документ гъадабгъуру чпин абихъна АхъитIна гъюру. Дурарихъди сабси убхивал заан кIулиз адабгъуру Аьбдулла-эфенди ибн Мугъяммад Шерифдира. Ляхнихъди тямин хъпан бадали дурар Табасарандин мягъяларий лишуру, ва Кафари Табасарандин Зил кIуру гъулаъ дурари ляхин ккабалгуру. Къара Гъяжи эфенди ва Навруз Аьли эфендийи Ярса, Зил ва Дарвагъ гъуларий медресийр ачмиш апIуру ва Аллагьу Тааьла рази шлу ляхнин машгъул шулу. Зил гъулаъ яшамий шулайиган Къара Гъяжи эфендийиз 6 велед гъахъну: Гъяжиягъмад, Исмаил, Багъудин, Шагъабудин, Марият ва Рейганат, хъа Навруз Аьли эфендийиз: Гъарун, Мугъудин, Зейнудин, Нажмудин, Жарият ва Муминат. Дурар вари илимдин агъюваларихъди тямин апIуру. Вахтарилан, чпин адаш Ражаб Аьли кечмиш хъпан къяляхъ, Навруз Аьли эфенди АхъитI, Рушв'ил ва Цанак гъуларин къази-имам шулу. Навруз Аьли эфендийи Беглерин шариатдихъди вуйи ляхнар заан дережайиинди кIулиз гъахуру. Дидихъна савайи душваъ медресера тикмиш апIуру. Думу медресейи чпин ва гъунши гъуларин тямимар гъюйи. Нажмудиндиз Исамудин кIуру бай шулу, думу гъаму вахтна Дербент шагърий яшамий шула, ва Аллагьу Тааьлайи улупнайи рякъюъди гъягъюра. Ухъу гележегидъра дурарин сихилиъ хъана гъацдар аьхю аьлимар шул кIури умудлу вухъа, иншаАллагь! Аллагьу Тааьлайи сифте Чан рягъматдиз Къара Гъяжийиз дих гъапIну, хъасин сацIбра вахт арайий адарди Навруз Аьли эфендира Аллагьдин ﷺ рягъматдиз гъуш-

ну. Дурар аьхиримжи рякъюз гъауз чпин варитIан ужур дуст, аьлим Ал-Къурахи гъафну, ва дугъу дурариз къюбидариз шиир – дуоаъ гъибикIну, магъа думу кагъаз ихъ чIалназ таржума дапIну ич фикриз тувраза. Гъаму тариф апIураза Жвулли гъул'ан АхъитI гъулаъ кюч духъну душваъ дуланамий шулайи адлу аьлим Малла Гъяжриз ва дугъан гъардаш, адлу аьлим Малла Навруз Аьлдиз. Алгъямдуллилагъ ухъу халкъ гъапIуриз-Даимлуриз, Рягъимлуриз Чухсагъул ухъу тувнайи ризкъназ, Ахиратди хъана ухъу чIиви апIуруиз Гъацара гъюрмат ва гирамивал ихъ Агъайиз Халкъ гъапIдарикан варитIан заан Мугъяммад вакилиз. Хъасин дугъан алияриз, вари асгъябариз, ансарариз, Нур туврайи асгъябариз ва гъякъ тербия туврайи аьлимариз. Алгъямдуллилагъдин къяляхъ кIураза гъаму гъидикIу каламар, Малла Гъяжи кечмиш хъивализ себев вуди, дугъан лагъикълувализ. Лагъикълу вуйи ишувал АхъитI, Рушвул, Цанак халкъар, Вуди дурариз аьхю бед-бахтсузвал, пашман-хажалат йигъариз. Думу адлу кас ву, дугъкан агъю гъабхъну вари аьламдиз, Лагъикълувал ва журматвал дугъан ву, эй фагъум ва аькъюл хъайидар!!! Дугъахъ хъади ву лагъикълувалин къадар гъисаб апIуз даршлукъан, Аькси вуди дугъан лагъикълувалар шерик ву халкъдин арайий. Я Аллагь! Аьфв апIин дугъан, яркъу апIин аьхиримжи хал, Аку нурихъди абцI дугъан накъвдин аьхю зал, Я Аллагь! Гъязур апIин дугъаз Женнетдий пешкешер варитIан аднан, Тув дугъаз Женнетдин къялаъ варитIан заан хал. Дугъан къяляхъ му дюн'я дипну гъушну дугъан гъардаш Навруз Аьли. Халкъдиз илмин мялим, заан инсаният гъиллигънан. Сар Аллагьу Тааьлайи дурарин ахиримжийин йишв дебккди. Аллагьдинди ﷺ ху апIураза, хъуркъивалар а дурарин. Илмарихъна, караматарихъна заан Аллагьдин ﷺ лукларин. Я Аллагь ﷺ кюмек апIин учуз илмар, аьмалар гъадагъуз, Ич метлебар дердер-чарийр адаъ заан къиматназ. Алабхъу ригъдиз, сарун адар ккудубчIвивал, Йицихъуларин ваз гъудубгъну дурарихъан рубзури нивгъар. Нашди илмарин агъювалар? Илим кайидар фаркъат гъапIну. Ва гъахъну халкъ аьвамвалин лепийрий сирнав йивури. Дурари му дюн'я дипну Зуль-гъижжа вазли гирами,



Машкван йигъариз багахъна, варитIан лагъикълу вахтна. Я Аллагь ﷺ, рягъим апIин дурариз, Дурарин хал див Фирдавус Женнетдин къялаъ. Уву вува варидин Гъяким, эгер Увхъан кун гъапIиш, Жаваб тув йиз дуоаъийиз, я Раббал аьламин, Аьфв апIин ич абийр-бабариз, рягъим апIин ич багахълуийриз. Нур туври дурарин машариз пашман йигъан, ГъибикIур ву гунагълу кас Курахдиан, Фициб шул дугъан пашманвал, Гъушган уждар дустар му дюн'яйилан хажалатнан вахтна? Му кагъаз гъижрайиинди 1336-пи йисан (1917-пи йисан) Зуль-гъижжа вазли гъибикIну, хъа дурар гъадму йисан Зуль – къайдайин вазли кечмиш гъахъну. Магъа гъаму кагъзи дурар аьхю аднан аьлимар вуйибдикан хабар тувра, ухъура дурар аьхю аьлимар вуйиб тасдикъ апIухъа.

Хабар тувдар: Теиб ибн Аьгъмад ал-АхъитI ад-Дербенди ва Исамуддин ибн Нажмудин ал-АхъитI ад-Дербенди.

ГъибикIур УртIларин Ханмагъяммаддин бай Аьбдул МутIалиб-гъяжи Гъязрати Аьлиев ву

Балин тарих

Саб ражари Абу Язид аль-БастIами йишвандин ибадат апIуз гъудужвну. Думу гъудужвган, дугъахъди чан байра гъудужвну. Йишв лап аьхъюб вуйи, ва байра йишвну ибадатназ гъудужвуз гъеле лапра бициди имийи, гъаци вуйиган язухъ гъабхъи адаши бализ гъапи: – НивкI апIин йиз бай, улихъ ярхи йишв хъими. Бали адашихъан гъерхру: – Хъа уву гъаз гъудужвнунва? Адаши гъапи: Йиз бай, узуз гъамци гъудужв, дупна. Бали гъапи: – Йиз Аллагьу Тааьлайин Чан китабдиан вуйи гафар кIваинди имийиз (мяна): «Дугъриданна, яв Агъайиз, я

Мугъяммад ﷺ, аьгъяди ву, уву ва саспи увухъди гъягърудари йишвандин шубуб пайнакан къюб пай ибадатнаъ гъапIруб, хъа саспиган дидин гъацI, ясана шубуб пайнакан саб пай» (сура «аль-Музаммилъ», 20-пи аят). Хъа Пайгамбарихъди ﷺ гъудужврудар фужар ву? Адаши жаваб туву: – Дугъан асгъябар. Бали адашкан кун гъапIну: – Аллагьу Тааьлайиз ибадат апIури яв багахъ хъувалихъ узу мягърум мапIана адаш. Адаш гъайран духъну, балихъинди илтIикIу: – Я йиз бай, уву гъелелигъ яшарикнакъан дуфнадарва.

Бали жаваб туву: – Узуз дадаийи фици цIа кипруш гъябкъюнуз: дугъу сабан бици гакIварик цIа кипуйи, хъасин гъадарихъанмина аьхюдарикра цIа кипбан бадали. Узуз Гъиямат йигъан Аллагьу Тааьла узхъанмина хъюгъди кIури гучIурзуз, хъасин аьхюдарихъан. Адашиз Аллагьу Тааьлайихъан гучI гъабхъи ва дугъу гъапи: – Аллагьу Тааьлайин улихъ уву яв адаштIан заанди вува. Гъамус фикир апIинайчва, мусурмнар, ихъ гъаму ибадатнахъна фици аьлакьа ву? Ухъкан фуж йишвну ибадат апIуз гъудужвру? Пайгамбари ﷺ гъапIну: عليكُم بقيام الليل فإنه دأب الصالحين قبلكم

وقربه إلى الله ومنهاة عن الإثم وتكفير للسيئات ومطردة للداء عن البدن رواه الترمذي «Учву йишву гъудужвну ибадат дапIну ккунду. Дугъриданна думу ичв улихъна вуйи гъякIу ксарин аьдат ву - Аллагьу Тааьлайихъна багахъ хъуб, гунгъарихъан ярхла хъуб, жандак уьзрарихъан азад апIуб ву» (имам Тирмизи, аль-Байгъакъи, ибн Асакир, ас-Субуки). Йишвну ибадат апIуб гъякIу лезет ву. Гъац вуйиган, гъякIу ксар йишв улубкъан шад шуйи, хъа думу улдубчIвган - пашман.

Мугъяммад-Аьриф Аьбдуллаев

Гъярам ляхнариз мистан мутмѳир ишлетмиш апѳуваликан

ВАКЪФ ФУ-ВУШ ВА ДИДИН ШАРТИРИКАН ЖИКЪИДИ



Рашид Аълимуратов
Огни шагърин имамдин заместитель

Ассаламу алейкум, гъюрматлу ватанагълийир! Узуз гъаму бицѳи макъалайиъ вакъф фу-вуш ва думу тамам хъпан бадали фицдар шартлар аш, гъаддикан ктибгуз ккундузуз. Ихъ мусурман гъардшар ва чѳириин вакъфдихъди аьлакъалу гизаф суалар шулу. ИншаАллагъ, гъаму макъалайиъ ухъу жикъиди инсанариз дидкан хабар тувдихъа.

Вакъфу апѳбан бадали шубуб шартI а. Сабпиб - вакъф мянфяаьт ктабгъуз шулу шейар апѳуру, гъадму шейъ чѳур дарш-луганси ва ккудудубкѳру саягъниинди. Мисалназ бистин, дидкан мянфяаьтра а, ккудубкѳрубра дар. Хъа гъадабгъархъа, мисалназ, музыкальнѳи инструментар. Дурар вакъф апѳуз шулдар, гъаз гъапиш дурарик мянфяаьт ктар. Ва гъацѳира ипѳру сурсатар, гъаз гъапиш дурарикан мянфяаьт ктабгъган,

дурар гъузурдар, яни ккудукѳуру. Къюбпи шартI гъадму вакъф шлиз апѳураш, гъадму кас ади хъивал. Эгер гъелелиг чан бабкан дархъи веледдиз вакъф апѳураш, думу кам шулдар. Шубубпи шартI, гъярам ляхнариз вакъф дарапѳуб. Мисалназ, гъаму жил килиса (церковь) тикмиш апѳуз вакъф гъапѳза, душваъ ибадатвал апѳри кѳури. Гъацѳира вакъф апѳруган, тѳямин вахт улудупуб шартI ву, мисалназ, узу вакъф апѳураза сад йисазди. Ва гъацѳира фтихъди вуш-ра аьлакъалу апѳуб, мисалназ, инсанди кѳуру вазлин аьхири вакъф апѳидиза. Магъа гъамци улупну ккундар.

Вакъфу, гъюрматлу гъардшар, гъадму вакъфу гъапѳу инсандин шартларинди тамам дапѳну ккунду. Вакъфу гъацдар гафариинди кѳуру: **узу гъаму шейъ гъаму йишваз, ясана гъаму ляхниз вакъф гъапѳза, ясана гъаму жил мистаз вакъф гъапѳза.** Уъмар асгъябди чаз Хайбар кѳуру гъазаватдин къяляхъ гъурубкѳу жил вакъфу гъапѳну.

Вакъфу гъапѳу мутму масу тувуз, ясана пешкешди тувуз хай шулдар. Амма мистан халачѳир масу тувуз хай шулу, эгер дурар чѳур шулаш, ва гъадрарин уж'вал-хайир гъаддиъ вуш. Дурар масу тувну, дурарин къимат мистаз гъибтѳру. Ва гъацѳира мистаз вакъф гъапѳу жара мутмѳир имамдин ихти-ярниинди кирийихъ ишлетмиш апѳуз тувуз шулу, ясана масу тувуз хай шулу, эгер гъадрарин мясляаьт гъаддиъ вуш, ва гъаддикан мистаз къиматниинди, ясана жара мянфяаьт шулаш. Ихъ суал, гъюрматлу гъардшар, гъам-

циб ву: гизаф гъуларин мистариъ рюкъчар, ясана жара шейар шулу, ва дурар жямьяаьтдин ляхнариз ишлетмиш апѳуз хай шулин дарш шулдарин? Ухъу улихъна гъапиганси, эгер дурар мистаз вакъф дапѳнайидар вуш,

вуш. Хъа эгер дурар мистандар дарди жямьяаьтдиндар вуш, думу вакъф шулардар. Жямьяаьтди дурар чѳиз кѳуни ляхнариз, чѳин мягъгаж'валариз ишлетмиш апѳуру. Ва гъацѳира саспидар ихъ гъуларѳи мистан пул жямьяаьтдин лях-



мянфяаьт ктабгъуз хай шулу, эгер гъадму шейъ чѳур шулдарш, ясана ккудубкѳурдарш. Ва дурар жарарихъна мистаз къиматнахъ ишлетмиш апѳуз тувуз хай шулу. Хъа аммаки, гъюрматлу гъардшар ва чѳир, ихъ гъуларѳи аьдат вуйиганси гъярам сумчрариз, ясана жара гъярам ляхнариз ишлетмиш апѳуз туври шулу. Дици апѳури гъахъиш, дидкан гунагътѳан гъаѳри жараб адар, яни ухъуз дидин гунагъ хъибди. Му, гъюрматлу гъардшар, ухъу кѳурахъа, эгер думу шейар-мутмѳир мистаз вакъфу дапѳнайидар

нариз ишлетмиш апѳури шулу. Думу хай шлу ляхин дар ва дици дубхънура ккундар. Мистаз вакъфу гъапѳну вуйи мутму, мистаз ишлетмиш дапѳну ккунду. Гъаѳийѳки, саспи гъуларѳи му месэлайиз фикир туврадар, ва чѳиина ахъю гунагъ гъадабгъура. Магъа гъаму дѳюшюшдира ухъуз ихъ диндикан лапра цѳибтѳан аьгъдруваликан улупура. Гъит Аллагъу Тааьлайи ухъуз гъярам вуйибдихъан ярхла хъуз тавѳикъвал туври, гъит ухъкан гъарсариз жвуван илмин дережа за апѳуз тавѳикъвал туври! Амин.

Дишагълийирин гъякъар Исламди уърхъюра

ГЪИЧЧАБДИН ШАРТИАР

Ассаламу алейкум, гъюрматлу мусурман гъардшар ва чѳир! Вари аьлам халкъ гъапѳу Аллагъу Тааьлайи инсанарихъна чан ккуни лукI Мугъяммад пайгъамбар гъаъну ва гъадгъухъанмина ухъухъна Чан амрар гъурукъну, дурар тамам апѳури инсандиз му дѳон'яйиъра, Ахиратдиъра шадвал хъибди, иншаАллагъ.

Аъбдулмалик Мягъяммадбеков
Огни шагърин имамдин заместитель

Узуз саб асас суалназ учву фикир тувну ккундузуз, думу мусурман дишагълийин палат алабхъувал ву. Узу му суал ачмиш дапѳну ккуниб гъисаб гъапѳунза, гъаз гъапиш думу инсанарин арайиъ аьлакъѳириз тѳясир тувруб ву. Мусурман дишагълийин алабхъу палат вари жандак ккебкѳруб дубхъну ккунду ва дидиз гъиччаб кѳуру. Гъиччаб алабхъувал думу чав аьдат дар, хъа Аллагъу Тааьлайи мусурман дишагълийин иливнайи фарз ву.

Аллагъу Тааьлайи гирами Къура'андиъ Пайгъамбарихъна ﷺ илтѳикѳну дупна: «Уву йип Аллагъдихъ ﷺ хъугъу дишагълийириз, дурари чѳин улар, лигувал ис апѳри, чѳин аьврат гъярамдихъан уьбхри ва чѳин бедендикан, машина хиларин тѳубартѳан гъаѳри, жараб фукѳара ачмиш дарапѳри ва гъит дурари чѳин гардан, кѳул, мухрар ккеркри». Хъанара Аллагъу Тааьлайи дупна: «Гъит дурари чѳин утканвалар чѳин жилариз, гаѳѳириз, жиларин гаѳѳириз, чѳин гъардшариз, гъардшарин баяриз, чѳириин баяризтѳан улудупди». Гъаму аятдиъ Аллагъу Тааьлайи гага, гъардаш, бай, жилирин гага хъайи йишварихъ ягълухъ алдарди, гардан абцѳну, хилар хъержвну гъитуз хай шулу дупна, яни ляхин апѳруган арцѳну шлу йишвар. Хъа жара мягърам дару жили жви хъайи йишвахъ дици лиузу хай шулдар.

Гъиччаб алабхъбаъ дишагълийи дѳурхну ккуни



шартларра а:

1. Гъиччаб, машина хиларин тѳубар ктарди, вари жандак ккебкѳруб дубхъну ккунду.
2. Гъиччаб жандак рябкѳруб дубхъну ккундар. Исламдиъ жандак рябкѳру палат алабхъуб гъярам дапѳна: думу хилар вушра, гардан, ясана жара гъендемар вушра.
3. Гъиччаб жандиин алабсруб дубхъну ккундар, гъаз гъапиш жандак ккебкѳбан метлеб жарадар лигбахъан жарадар лигуз сеbeb шулу.
4. Жандик аьтирар, духѳир кубзбахъан ярхла хъуб. Пайгъамбари ﷺ гъапну: «Дишагълийи, ицци ниъра кубзну, инсанарин багъхъантина дурариз ниъ хъуз кѳури гъудучѳвиш, думу зина апѳрувализ барабар ву» (имам Агъмад). Жара гъядисдиъ дупна: «Учвкан, яни дишагълийирикан, фужкѳла мистаз гъягъруган, гъит сарира ниар кудрурзди». Пайгъамбари ﷺ мистаз гъягъру дишагълийириз ниъ кубзуз гъадагъа гъапѳну, хъа магазнариз, базарариз ниар курзну гъягърудар фукъан а?!
5. Дишагълийири алабхъу палат жиларин палатдиз

ухшар айиб дубхъну ккундар. Абу Гъурайрайхъан дуфна: «Пайгъамбари ﷺ дишагълийириин палат алабхъу жилариин ва жиларин палат алабхъу дишагълийириин нянят алапѳну». Гъийин йигъан ухъуз рябкѳруахъузки, фици саспи дишагълийири жиларин палтариз ухшар вуйидар алахъуруш, саспи дѳюшюшариъ думу бай вуш, риш вуш аьгъю апѳузкъан шулдар. Гъацѳи алахъури, дурари чѳиина Пайгъамбарин ﷺ нянят гъадабгъура.

6. Мусурман дишагълийин палат мусурман дарударин палатдиз, яни къаѳирариз хас вуйиб ухшар дархъуб. Пайгъамбарин ﷺ гъядисдиъ дупна: «Шли фунуб-вушра халкъдиз ухшарвал гъапѳиш, думу гъадрарикан ву».

7. Палат жара дишагълийириин арайиъ учв жара апѳруб дубхъну ккундар. Пайгъамбари ﷺ гъапну: «Шли учв адлу апѳру палат алабхъиш, дугъ'ин Гъаѳмагъ йигъан исккан апѳру палат алабхъиди, ва гъадмура алди думу жегъеннеминди цѳигъ ургиди». Пайгъамбарин ﷺ хпир Айшайи гъапну: «Гъит Аллагъ ﷻ сабпи гъяжра гъапѳу дишагълийириин рази ишри, Аллагъу Тааьлайи «гъит дурари чѳин гарднар, мухрар ккеркри» кѳури аят гъапѳган, дурари чѳин заьлан алабхънайи палтар дѳячѳяргъну, чѳин ачмиш йишвар ккеркѳну».

Му макъала бикѳруган, гъюрматлу чѳир, узу йиз фикриинди ваъ, хъа Къур'андиан аятар, гъядисар далилди дидисну гъибикѳунза. Гъийин йигъан дишагълийири алабхъу палтариъ, чѳин уьмриъ европалуйириз ухшар хъуз чалишмиш шулу. Думу гъюкуматарѳи дишагъли жигъилди, утканди имиди, думу ишлетмиш апѳуру, хъасин думу саризра герек дарур шулу. Гъацдариз ухшар хъуз шулин? Хъа Исламди дишагъли бабкан гъахъихъанмина уърхъюра, дугъаз дадаѳин, шуран, хпирин гъякъар тувна. Гъиччаб алабхъури, дугъу жвув жарадарин лигбарихъан уърхъюра. Гъит Аллагъу Тааьлайи ухъуз фарзар тамам апѳуз, гъярамдихъан ярхла хъуз тавѳикъвал туври!

- 21-пи декабри гъиямат йигъ гъабхъундар, хъа фила хъибди?

- 21-пи декабри гъиямат йигъ шулу, дюн'я ккадабхъуру кѳуру гафарихъ хъугъу мусурманар диндикан фукѳара аьгъдру жагъилар ву. Ва 21-пи декабрь тарихдиъ аьлхъбан йигъ кѳури убѳвну ккунду, гъацдар гафарихъ хъугъдариин аьлхъбан йигъси. Фици аьлхъуб дарфиди гъубзружъа, саспидари чпиз гъиямат йигъан ипѳуз-убхъуз ужуб, акв апѳуз ужуб гъязур апѳруган. Магъа гъамди ихъ диндихъна вуийи дикъат адруваликан улупура. Гъиямат йигъ дархъиди гъубзидар. Амма думу йигъ фила шулуш, Аллагъу Тааьлайи жиниди гъибтна. Думу жиниди гъибтвалин гъикматра гъадму вуки, инсанар гъарган дидиз гъязурди хъувал.

Амма думу йигъ жиниди гъибтвализ дилигди, Аллагъу Тааьлайи ухъуз рягъим гъапишу, яни дугъу ухъуз гъиямат йигъандин ахъю ва биѳи лишнар ачмиш гъапишу. Гъиямат йигъандин ахъю лишнар имам Магъди удучѳбаланмина ккергъди ва дугъу му дюн'яийь гъякъвал ипди. Хъасин мусурманарин арайиѳ футна ипру Даджал удубѳвиди. Хъасин Иса пайгъамбар гъиди, дугъахъна - Яъжуж-Маъжуж ва гъ.ж. Гъамрарикан гъарсabdикан гизаф къадар ктибтгуз шулу. Даббатуль-ард кѳуру ахъю гъайванат удубѳвиди. Ригъ алабхъру терефнаан ригъ удубѳвиди. Кѳум удубѳвиди ва 40 йигъандин арайиѳ гъубзиди. Гъижазайин терефнаан ахъю цѳа гъибди. Къур'андиъ айиб завариз за хъибди, Къаба дабгъиди. Магъа гъаму лишнариз ккилигнну ккунду. Гъамрар улукъган, му дюн'яийн ахъирра хъибди.

- Фу себеб дубхъну инсандин Женнет ва Жегъеннем айивалин, ясана Аллагъу Тааьла айивалин шаклу хъуз мумкин ву?

- Саб кѳуруб, ухъуз аьгъяди ккундуки, дицдар фикрар шейтѳнихъан ву. Гъаѳи вуйиган, сабпи нубатнаѳ Аллагъу Тааьлайикан шейтѳнини васвасдихъан, чѳуруваларихъан уърхъуб ккун дапѳну ккунду, истиаъз урхури (Ауьзу биллагъи мина шшайтѳани рражим). Мицдар суалар гъаму касди апѳурайи гунгъарианра хъуз мумкин ву. Ибну Гъажар Аскъаланийи «Фатгъуль Бари» китабдиъ дибикѳна: «Гунгъар инсан куфрихъна хъаърудар ву ва гъарган гунгъар апѳрурин ахъир ужуб хъибдар кѳури гучѳвал а, яни куфриъ кечмиш хъиди кѳури» («Фатгъуль Бари», 10-пи том, 466-пи маш).

Ухъу фукъан Аллагъу Тааьлайиз аьссивал улупбахъ, гъадмукъан ихъ юкѳвар кѳару шулу ва шейтѳниз ухъу гъякъ рякълан уддугуз гъитуз рягъят шулу. Гъит Аллагъу Тааьлайи ухъу аьссивалар, гунгъар апѳбахъан уърхури, гъит Аллагъди ухъуз гъярамдихъна багахъ хъуз амур дарапѳри. Фуну касдин кѳваѳ куфрихъна хъаъру шаквалар гъахъиш, дугъу чаѳ дидин себебар дагну, дурар ярхла апѳуз чалишмиш духъну ккунду ва къан дарапѳди туба дапѳну Аллагъу Тааьлайин къанунарихъна дуфну ккунду.

- Къур'андиз йирфар йивуз хай шулин?

- Ибн Гъажар Гъайтамийи Къур'андиз йирфар илдициуб ужу ву гъапишу ва, саб мюгъгаж'валра адарди, Къур'ан жилиин диригуб ужу ву. Къюбпидиз карагъат ву гъапишра, гъякъ шулу (лиг «Фатаваль Гъядисия», 425-пи маш). Гъит Аллагъди гъякълу аьлимарихъди гъягъюз амур апѳри.

- Кѳул ишара дапѳну салам тувуз хай шулдар, кѳуру гафар гъякълудар вуйин?

- Имам Нававийи гъапишу: «Кѳул ис апѳури салам тувуб карагъат ву. Салам тувруган, гафар апѳуз шлу касди, гафар дарпиди, хил за апѳуб карагъат ву, хъа гафар апѳуз даршлуриз мустагъяб ву, яни ужу ву. Эгер уву салам туврайир ярхлади вуш, салам гафарииндира, хил ишара дапѳнура тувуб ужу ву» (лиг Фатава имами Навави», 138-пи маш).

- Адашихъан чан риш ужур касдиз швушвди гъадагъ пуз шулу кѳуру гафариз далил улупайчва. Саспи гагъйри думу хай шлу ляхин дар кѳуру ва дици апѳрудариин аьхъюрира шулу.

- Дугъриданна Исламдиъ думу айиб ву ва начра дапѳну ккундар. Нач дапѳну ккунди жара дюшошар а. Исламдиъ ужу ву кѳури улупнайи ляхнариъ нач дапѳну ккундар. Ихъ гъякълу абйирира (салафу салигъяри) гъаѳи апѳури гъахъну. Пайгъамбарин асгъяб Уъмар ибн Хатѳабди чан риш Абубакариз ва Уъсмандиз швушвди гъадагъуб теклиѳ гъапишу. (лиг «Сагъигъуль Бухари», №4005). Гирами Къур'андиъ Шуаъйб пайгъамбарин Муса пайгъамбариз гъапи гафар гъамциб мяна ади улупна: «Йиз шубарикан сар увуз швушвди тувуз ккундуз...». Гъаму аятдиз таѳсир туври адлу аьлим Абу Аьбдулла Къуртѳубийи дибикѳна: «Гъаму аятдиъ шуран валийи риш хпирди дисуб теклиѳ апѳура. Му улупнайи сунна ву: Шуаъйб кѳуру ужур касди Муса кѳуру ужур касдиз чан риш дисуб теклиѳ апѳура «...». Гъаѳи вуйиган жвуван хиликк ккайир ужур касдиз швушвди гъадагъуб теклиѳ дивуб ужу (гъясанун) ву, ихъ гъякълу салафу салигъярихъди гъягъюри» (лиг Аль-Жамиу ли агъками аль-Къур'ани», 16-пи том, 261-пи маш).

- Кечмиш гъахъир накъварихъна фаркъат апѳуз гъахруган, дишагълийириз думу ахъиримжи рякъюз гъауз накъварихъна гъягъюз хай шулин?

- Кечмиш духънайир ахъиримжи рякъюз гъауз гъягъюб жилириз ужу ву (мустагъяб) ву. Барра бин Азибди ктибтура: «Пайгъамбарин ﷺ учуз кечмиш духънайир ахъиримжи рякъюз гъауз гъягъюб, аьзарлуйихъна гъягъюб амур гъапишу...» (Бухари, №1182). Дишагълийирикан улхуруш, дурариз кечмиш духънайир ахъиримжи рякъюз гъауз мустагъяб шулдар ва, эгер дици гъапиш, дурари Пайгъамбарин ﷺ амру дигра. Умму Атиятди ктибтура: «Учуз кечмиш гъахъир ахъиримжи рякъюз гъауз дурушуб амур гъапишу, амма думу амур ижмиб, ясана гъярам апѳурайиб дайи» (Бухари, №1219; Муслим, №938) (лиг «Фикъгъуль Мангъажий», 1-пи том, 259-пи маш).

- Саспи жигъилари мода ву, кѳури, ясана чпиз «гужлидар» йипри кѳури къамкъар дячѳяргънайи шарвлар алахъури, кушарикан чпиз ккуниб апѳури, мусурман дарударихъди гъягъюри шулу, - гъамцидар ляхнари инсандин диндиз, гъудгъиз фицибѳла манигъвал тувуз мумкин вуйин?

- Мициб суалназ имам Нававийи гъамциб жаваб тувра: «Пайгъамбарин ﷺ гъядисариз асас духъну, алабхъбаѳ, ва жара мутмиѳр-ляхнариѳ мусурман дарудариз ухшар хъуз хай шулдар, ва мициб палат алди гъапишу гъудгънин савабра цѳиб шулу» (лиг «Фатава Имами Навави», 116-пи маш). Пайгъамбарин ﷺ гъядисдиѳ дупна: «Инсанди гъаму дюн'яийь фуџ ккун гъапиш, Гъиямат йигъанра гъадгъахъди хъиди» (Агъмад, 3\336, №14644; Табарани «Авсатѳи» китабдиѳ, 9\6, №8953). Гъаѳи вуйиган дицир касдиз учв Гъиямат йигъанра мусурман дарударихъди хъиди кѳури ахъю хатѳасузвал а. Гъит Аллагъу Тааьлайи ухъу дидхъан уърхури!



Гъудгъинн жикѳбаѳ гагул хил жибкѳруган

اللّهُمَّ لَا تُعْطِنِي كِتَابِي بِشِمَالِي وَلَا مِنْ وَرَاءِ ظَهْرِي

«Аллагъумма ла туйѳѳини китаби бишимали вала мин вараи загъри» Мiana: «Я Аллагъ, йиз аьмалар кайи китаб я гагул терефнаанди, ясана къялхъянди мутуван».

Гъюрматлу мусурман гъардшар ва чѳир!

Нагагъ учвуз ихъ мусурман диндихъди аьлакъалу вуийи месэлийирикан гъаври адруб гъерхуз ккундуш, ясана «Ассалам» редакцияйиз вуийи суал аш, зенг апѳинай: 8-960-411-19-53, ясана 51-85-22. Учхъан шлубдин, иншаАллагъ, учу кюмек апѳидича ва ичв гъулулугъар тамам апѳуз чалишмиш хъидича.

Рузнама Март table with columns for day of month and prayer times: Йигъ, Гъиринд. Ас-Субгъ., Ригъ гъудуб., Лисундин Аз-зугър, Гъаркван. Аль-аьср, Лавлан. Аль-Магъриб, Хъитѳирхв. Аль-гъишаѳ.